



Broj: 05/7-39-1-115-79/22

Sarajevo, 26. 1. 2022.

Z A P I S N I K

79. sjednice Vijeća nacionalnih manjina BiH, održane 25. 1. 2022.

Sjednica Vijeća nacionalnih manjina BiH počela je u 13 sati.

Sjednici su prisustvovali: Andrija Svatok, predsjedavajući, Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Mladen Radmilović, Nedžad Jusić, Jovanka Manzalović-Šalaka, Hakan Varan, Halil Bicaj, Tijana Vučurević i Eva Pašić-Juhas.

Sjednici, iz opravdanih razloga, nisu prisustvovali Vjeročka Gajić, Marija Grbić, Davor Ebner i Dejan Piotrovski.

Sjednici su, također, prisustvovali Dervo Sejdić, predsjednik udruženja Kali Sara - Romski informativni centar, i Aida Kreho, sekretar Zajedničke komisije za ljudska prava.

Predloženi

Dnevni red

1. Usvajanje Zapisnika 78. sjednice Vijeća nacionalnih manjina BiH;
2. Obraćanje Derve Sejdića članovima Vijeća nacionalnih manjina BiH i prezentacija prijedloga izmjena i dopuna Ustava Bosne i Hercegovine i Izbornog zakona Bosne i Hercegovine;

3. Razmatranje odgovora Vijeća nacionalnih manjina Federacije Bosne i Hercegovine i Federalnog ministarstva pravde po aktu Vijeća nacionalnih manjina BiH, broj: 05/7-39-1-158-77/21 od 6. 12. 2021;
4. Razmatranje Prijedloga izvještaja o radu Vijeća nacionalnih manjina Bosne i Hercegovine za 2021. godinu;
5. Tekuća pitanja

jednoglasno je prihvaćen.

Ad. 1. Usvajanje Zapisnika 78. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo primjedbi, Zapisnik je jednoglasno usvojen.

Ad. 2. Obraćanje Derve Sejdića članovima Vijeća nacionalnih manjina BiH i prezentacija prijedloga izmjena i dopuna Ustava Bosne i Hercegovine i Izbornog zakona Bosne i Hercegovine

Predsjedavajući je otvorio raspravu o ovoj tački dnevnog reda te dao riječ Dervu Sejdiću da prezentira Prijedlog ograničenih promjena Ustava BiH i Izbornog zakona BiH. Po okončanom izlaganju, uslijedila je rasprava u kojoj su učestvovali: Nedžad Jusić, Andrija Svatok, Tihomir Knežiček, Mladen Radmilović, Todorka Jovanović i Jakob Finci.

Prilikom rasprave dati su sljedeći prijedlozi: da se u Prijedlogu ograničenih promjena Ustava BiH i Izbornog zakona BiH ne navode zasebno sve nacionalne manjine iz člana 3. stav (2) Zakona o zaštiti prava pripadnika nacionalnih manjina, s obzirom na postojeću i opću formulaciju i pravo priznavanja statusa „nacionalne manjine“ i svim drugim koji ispunjavaju uslove propisane Zakonom; termin „građani“ zamijeniti terminom „nacionalno neopredijeljeni građani“, radi smanjene mogućnosti zloupotrebe ovog termina; pored navođenja Federacije BiH i Republike Srpske, jasno i nedvosmisleno navesti i Brčko Distrikt BiH, bez obzira što se ne radi o zasebnoj izbornoj jedinici; razmisliti o datom prijedlogu da se iz Federacije BiH i Republike Srpske bira isti broj pripadnika nacionalnih manjina, s obzirom na ukupni broj stanovnika u entitetima, odnosno manji broj stanovnika u Republici Srpskoj u odnosu na Federaciju BiH; na odgovarajući način definirati da izabrani članovi Predsjedništva BiH ne mogu biti pripadnici istog konstitutivnog naroda/nacionalne manjine.

Nakon rasprave, jednoglasno je prihvaćeno da se sve sugestije dostave predlagачu Dervu Sejdiću na razmatranje, uz prijedlog da se korigirana verzija dostavi Vijeću nacionalnih manjina BiH na ponovno razmatranje, a zatim i usvajanje, te dostavljanje Interresornoj radnoj grupi za izmjene izbornog zakonodavstva BiH.

Ad. 3. Razmatranje odgovora Vijeća nacionalnih manjina Federacije Bosne i Hercegovine i Federalnog ministarstva pravde po aktu Vijeća nacionalnih manjina BiH, broj: 05/7-39-1-158-77/21 od 6. 12. 2021.

Predsjedavajući je otvorio raspravu o ovoj tački dnevnog reda i dopisima Vijeća nacionalnih manjina Federacije Bosne i Hercegovine (akt broj: 05/7-39-1-158-77/21 od 14. 1. 2022) i Federalnog ministarstva pravde (akt broj: 05/7-39-1-158-77/21 od 30. 12. 2021).

U raspravi su učestvovali: Tihomir Knežiček, Nedžad Jusić i Jovanka Manzalović-Šalaka. Iskazano je nezadovoljstvo odgovorom dostavljenim od Vijeća nacionalnih manjina FBiH, ponavljajući kako proces obavješćavanja o izboru novog saziva Vijeća nacionalnih manjina Federacije BiH nije bio javan i transparentan, te naglašavajući kako se u odgovoru VNMFBiH uopće na osvrće niti daje kontraargumentacija ovakvoj tvrdnji u dopisu koje im je uputilo Vijeće nacionalnih manjina BiH.

Nakon rasprave, članovi Vijeća su, s devet glasova „za“ i dva glasa „suzdržan“, odlučili Vijeću nacionalnih manjina FBiH uputiti dopis kojim će izraziti svoje nezadovoljstvo dostavljenim općenitim odgovorom, činjenicom da se nisu osvrnuli na navode iz upita koji im je dostavljen, uz konstataciju da Vijeće nacionalnih manjina BiH sumnja u transparentnost izbora članova Vijeća nacionalnih manjina FBiH u novom sazivu.

Ad. 4. Razmatranje Prijedloga izvještaja o radu Vijeća nacionalnih manjina Bosne i Hercegovine za 2021. godinu

Članovi Vijeća su, uz zaključak da je u dijelu „Rad s medijima“ Prijedloga izvještaja o radu Vijeća za 2021. godinu potrebno navesti gostovanja u radio i televizijskim emisijama članova Vijeća, jednoglasno prihvatili Izvještaj o radu Vijeća za 2021. godinu.

Ad. 5. Tekuća pitanja

U dijelu tekućih pitanja predsjedavajući je upoznao članove Vijeća s dopisom Ministarstva za ljudska prava i izbjeglice BiH, kojim se, između ostalih, i od Vijeća nacionalnih manjina BiH

traži dostavljanje odgovora na pitanja povodom izrade izvještaja specijalnog izvjestioca UN-a za manjine o temi: „Prevencija sukoba kroz zaštitu ljudskih prava manjina“.

Članovi Vijeća donijeli su Zaključak o zaduživanju Velibora Kuvača i Tihomira Knežićeka da, u saradnji sa sekretarom i uz prethodnu provjeru da li je Ministarstvo za ljudska prava i izbjeglice BiH već definiralo odgovore po dostavljenim pitanjima, sačine prijedlog odgovora u ime Vijeća nacionalnih manjina BiH.

Sjednica je završena u 15.10 sati.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**